

Te Pipiwharaura, He Kupu Whakamarama.

NAMA 27.

GISBORNE.

MEI 1900.

HAKARI A TE KAWANA KI TE KURA O TIPENE.

No te 4 o nga ra o Mei nei ka tu te hakari a te Kawana raua ko tona hoa wahine ki nga tamariki o te kura i Tipene, Akarana. E 60 nga tamariki i haere ki te whare o te Kawana me o ratou kai-whakaako, me nga kai-whaka-haere o te kura. I mua atu o te kai ka haereere tau o tamariki i roto i te kaari a te Kawana. I te tina i muri iho i te kupu whakanui i te Kuini ka waiatatia e nga tamariki maori te waiata whakanui i te Kuini. "E Ihowa tohungia te Kuini."

Mutu iho te tina ka haere ki Kuini Tiriti Wapu, i reira te tina hei kawo i te ope maori, i te Kawana, me ona hoa ki runga i te manua o i a te 'H.M.S. Pylades.' I whakanuia te ekenga o te Kawana ki runga ki tona tina e Kapene Tapa; nana i whakaatu haere nga wahi katoa o te kaupuke, me ona tini raweke, ki te Kawana ratou ko ona hoa; ko tenei i te heramana nei ki te kawo haere i nga tamariki maori; kaore he wahi i toe te tifiro, whakata-tare rawa ki roto o te waha o te pu-repo. I te hokinga ki uta o te Kawana me tana ope ka whakatangihia he pu-repo, he whakanui i te Kawana, te mangai o te Kuini; katabi ka haere i runga i te tina iti ki te haereere i te wahapu.

I te taenga ki te whare o te Kawana, ka whakatakotoria ano te kai e te whanau a te Kawana, a ahakoa ohohohi o te tu o te whare rangatira, i rawe tonu te karawhiu o te kai.

Mutu iho te ti, ka whakahoro ki te hooro, i reira ka whakatutu nga tamariki o Tipene i nga mahi whakamaroro i nga ringaringa i nga waewae, ko to ratou kai-whakaako ano

ko Karoro ki te karangaranga, a ka kino ta ratou nei haere! I a ratou ano e whiu ana i nga pooro maitai ka tatakitia ta ratou waiata maori, he powhiri i te Kawana; haruru ana te umeretanga a te pakeha. He maha ano nga waiata pakeha i waiatatia, engari te tino waiata i umeretia e te pakeha ko te tino waiata a te pakeha i enei ra, ko "Nga Hoia a te Kuini." I a au i Ponoke i te haerenga o te Ope Tuatahi o Niu Tirenī ki te whawhai ko tenei te tino waiata e rongona te taringa; e whakatangihia ana e nga peene, e waiatatia ana e te tangata, e whiwhiwhia ana e te tamariki tane. Te waiata whakamutunga a nga tamariki o Tipene, "Good Night."

I tu a Makinire te minita o Paneera, teta hi o nga kai-whakahaere o Tipene, ki te whakamahi kia Rore Renewhare, kia Reiri Renewhare, me a raua tamaahine, mo to ratou aroha ki nga tamariki o Tipene; i mea hoki ia apopo te aroha o te Kawana panuitia ai i tana kainga i tana kainga o te Iwi Maori. E tino whakanuihia ana tenei Kawana e nga tangata katoa, tera pea ia e pitihangatia kia nobo tonu i Niu Tirenī nei mo etahi tau atu ano. I te taenga mai o nga tamariki mangumangu o nga Motu i tu ano he hakari ma te Kawana ki a ratou. Na te waiata mo te Kuini i whakamutu tenei huihuinga, i kiia nei e nga nu-papa o Akarana, he huihuinga tino pai.

I te mate o tetahi o nga tamariki o Tipene kaore ia i tae ki tenei ngahau, otira i puta ano te ngakau aroha o te Kawana raua ko tona hoa wahine; i tukua atu he pukapuka me etahi karepe mana.

"Kia ora te Kawana!"

"E Ihowa tohungia te Kuini!"

Na Tipi-whenua.